

類相隨而行從斯和提並共北出至尸攝和林蟬肆王見已告侍人曰此斯和提梵志居士今日何故各與等類相隨而行從斯和提並共北出至尸攝和林侍人白曰天王彼斯和提梵志居士聞有沙門鳩摩羅迦葉遊拘薩羅國與大比丘衆俱來至此斯和提住彼

村北尸攝和林天王彼沙門鳩摩羅迦葉有大名稱周聞十方鳩摩羅迦葉才辯無礙所說微妙彼是多聞阿羅訶也若有見此阿羅訶恭敬禮事者快得善利我等可往見彼沙門鳩摩羅迦葉天王是故斯和提梵志居士各與等類相隨而行從斯和提並共北出至

尸攝和林蟬肆王聞已告侍人曰汝往詣彼斯和提梵志居士所而語之曰蟬肆王告斯和提梵志居士諸賢可住我與汝等共往見彼沙門鳩摩羅迦葉汝等愚癡勿爲彼所欺爲有後世有衆生生我如是見如是說無有後世無衆生生沙門鳩摩羅迦葉於後世無衆生生侍人受教即往詣彼斯和提

梵志居士所而語之曰蟬肆王告斯和提梵志居士諸賢可住我與汝等共往見彼沙門鳩摩羅迦葉汝等愚癡勿爲彼所欺爲有後世有衆生生我如是見如是說無有後世無衆生生斯和提梵志居士聞此教已答侍人曰輒如來勑侍人還啓已宣王命彼斯和提

二

二

梵志居士住待天王唯願天王宜知是時時蟬肆王即勑御者汝速嚴駕我今欲行御者受命速嚴駕訖還白王嚴駕已辦隨天王意時蟬肆王即乘車出往詣斯和提梵志居士所與共北行至尸攝和林時蟬肆王遙見尊者鳩摩羅迦葉在樹林間即下車步進往詣

尊者鳩摩羅迦葉所共相問評却坐一面問曰迦葉我今欲問寧見聽耶尊者鳩摩羅迦葉告曰蟬肆若欲問者便可問之我聞已當思時蟬肆王即便問曰迦葉我如是見如是說無有後世無衆生生沙門鳩摩羅迦葉於意云何尊者鳩摩羅迦葉告曰蟬肆我今問

王隨所解答於王意云何今此日月爲是今
世爲後世耶。婢肆王答沙門鳩摩羅迦葉雖
作是說但我如是見如是說無有後世無衆
生尊者鳩摩羅迦葉告曰婢肆我復問王隨
生生尊者鳩摩羅迦葉告曰婢肆復更有惡
而過此耶。婢肆答曰如是迦葉復更有惡迦
葉我有親親疾病困篤我往彼所到已謂言
汝等當知我如是見如是說無有後世無衆
生。生尊親親有沙門梵志如是見如是說言有
後世有衆生生我常不信彼之所說彼復作
是語若有男女作惡行不精進懶惰懈怠嫉
妬慳貪不舒手不庶幾極著財物彼因緣此
身壞命終必至惡處生地獄中若彼沙門梵
志所說是真實者汝等是我親親作惡行不
精進懶惰懈怠嫉妬慳貪不舒手不庶幾極
著財物若汝等身壞命終必至惡處生地獄
中者可還語我婢肆彼地獄中如是如是苦
若當爾者我便現見彼聞我語受我教已都
無有來語我言婢肆彼地獄中如是如是苦

夙六

三

迦葉因此事故我作是念無有後世無衆生
生尊者鳩摩羅迦葉告曰婢肆我復問王隨
所解答若有王人收縛罪者送至王所白曰
天王此人有罪王當治之王告彼曰汝等將
去反縛兩手令彼騎驢打破敗鼓聲如驢鳴
遍宣令已從城南門出坐高標下斬斷其頭
彼受教已即反縛罪人令其騎驢打破敗鼓
聲如驢鳴遍宣令已從城南門出坐高標下
欲斬其頭此人臨死語彼卒曰汝且小住我
欲得見父母妻子奴婢使人聽我暫去於王
意云何彼卒寧當放斯罪人聽暫去耶。婢肆
答曰不也迦葉尊者鳩摩羅迦葉告曰婢肆
王親親者亦復如是作惡行不精進懶惰懈
怠嫉妬慳貪不舒手不庶幾極著財物彼因
緣此身壞命終必至惡處生地獄中地獄卒
捉極苦治時彼語卒曰諸地獄卒汝等小住
莫苦治我我欲暫去詣婢肆王告語之曰彼
地獄中如是如是苦今彼現見於王意云何

彼地獄卒寧當放王親親令暫來耶。婢肆答曰不也。迦葉尊者鳩摩羅迦葉告曰。婢肆汝應如是觀於後世莫如肉眼之所見也。婢肆若有沙門梵志斷絕離欲趣向離欲斷絕離志趣向離志斷絕離癡趣向離癡彼以清淨天眼出過於人見此衆生死時生時好色惡色或妙不妙往來善處及不善處隨此衆生

之所作業見其如真婢肆王復言沙門鳩摩羅迦葉雖作是說但我如是見如是說無有後世出無衆生生尊者鳩摩羅迦葉告曰。婢肆復更有惡而過此耶。婢肆答曰如是迦葉復更有惡迦葉我有親親疾病困篤我往彼所

風六

四

到已謂言汝等當知我如是見如是說無有後世無衆生生親親有沙門梵志如是見如是說言有後世有衆生生我常不信彼之所說彼復作是語若有男女妙行精進精勤不憚無有嫉妒亦不慳貪舒手庶幾開意給諸孤窮常樂施與不著財物若汝等

壞命終必昇善處乃生天上若彼沙門梵志所說是真實者汝等是我親親妙行精進精勤不懈無有嫉妒亦不慳貪舒手庶幾開意放捨給諸孤窮常樂施與不著財物若汝等身壞命終必昇善處生天上者可還語我婢肆天上如是如是樂若當爾者我便現見彼聞我語受我教已都無有來語我言婢肆天上如是樂迦葉因此事故我作是念無有後世無衆生生尊者鳩摩羅迦葉告曰。婢肆聽我說喻慧者聞喻則解其義。婢肆猶村邑外有都園廁深没人頭糞滿其中而有一人墮沒廁底若復有人爲慈愍彼求義及饒益求安隱快樂便從廁上徐徐挽出刮以竹片拭以樹葉洗以暖湯彼於後時淨澡浴已以香塗身昇正殿上以五所欲而娛樂之於王意云何彼人寧復憶念先廁歡喜稱譽復欲見耶。婢肆答曰不也。迦葉若更有人憶念彼廁歡喜稱譽而欲見者便不愛此人況復自憶

風六

五

念先廁歡喜稱譽復欲見者是處不然蟬肆若王有親親妙行精進精勤不懈無有嫉妬亦不慳貪舒手庶幾開意放捨給諸孤窮常樂施與不著財物彼因緣此身壞命終必昇善處乃生天上生天上已天五所欲而自娛樂於王意云何彼天天子寧當捨彼天五所欲憶念於此人間五欲歡喜稱譽復欲見耶蟬肆答曰不也迦葉所以者何人間五欲臭處不淨甚可憎惡而不可向不可愛念塵澁有諍迦葉比於人間五欲者天欲爲最最上最好最妙最勝若彼天天子捨天五欲而更憶念人間五欲喜歡稱譽復欲見者是處不然蟬肆汝應如是觀於後世莫如肉眼之所見也蟬肆若有沙門梵志斷絕離欲趣向離欲斷絕恚趣向離恚斷絕離癡趣向離癡彼以清淨天眼出過於人見此衆生死時生時好色惡色或妙不妙往來善處及不善處隨此衆生之所作業見其如真蟬肆王復言

沙門鳩摩羅迦葉雖作是說但我如是見如是說無有後世無衆生生尊者鳩摩羅迦葉告曰蟬肆復更有惡而過是耶蟬肆答曰如是迦葉復更有惡迦葉我有親親疾病困篤我往彼所到已謂言汝等當知我如是見如是說無有後世無衆生生親親有沙門梵志如是見如是說言有後世有衆生生我常不信彼之所說彼復作是語若有男女妙行精進精勤不懈無有嫉妬亦不慳貪舒手庶幾開意放捨給諸孤窮常樂施與不著財物彼因緣此身壞命終必昇善處乃生天上若彼沙門梵志所說是真實者汝等是我親親妙行精進精勤不懈無有嫉妬亦不慳貪舒手庶幾開意放捨給諸孤窮常樂施與不著財物若汝等身壞命終必昇善處生天上者可還語我蟬肆天上如是如是樂若汝天上而作是念我若還歸當何所得蟬肆王家多有財物吾當與汝彼聞我語受我教已都無有

來語我言蟬肆天上如是如是樂迦葉因此事故我作是念無有後世無衆生生尊者鳩摩羅迦葉告曰蟬肆天上壽長人間命短若人間百歲是三十三天一日一夜如是一日一夜月三十日年十二月三十三天壽千年於王意云何若沒有親親妙行精進精勤不

懈無有嫉妬亦不慳貪舒手庶幾開意放捨給諸孤窮常樂施與不著財物彼因緣此身壞命終必昇善處乃生天上生天上已便作是念我等先當一日一夜以天五欲而自娛樂或二三四至六七日以天五欲而自娛樂然後當往語蟬肆王天上如是如是樂令彼現見於王意云何汝竟當得爾所活不蟬肆問曰迦葉誰從後世來語沙門鳩摩羅迦葉天上壽長人間命短若人間百歲是三十三天一日一夜如是一日一夜月三十日年十二月三十三天壽千年尊者鳩摩羅迦葉告曰蟬肆聽我說喻慧者聞諭則解其義蟬肆

猶如盲人彼作是說無黑白色亦無見黑白色無長短色亦無見長短色無近遠色亦無見近遠色無鹿細色亦無見鹿細色何以故我初不見不知是故無有色彼盲如是說爲真說耶蟬肆答曰不也迦葉所以者何迦葉有黑白色亦有見黑白色有長短色亦有見

夙六

七

長短色有近遠色亦有見近遠色有鹿細色亦有見鹿細色若盲作是說我不見不知是故無有色者彼作是說爲不真實尊者鳩摩羅迦葉告曰蟬肆王亦如盲若王作是說誰從後世來語沙門鳩摩羅迦葉天上壽長人間壽短若人間百歲是三十三天一日一夜如是一日一夜月三十日年十二月三十三天天壽千年蟬肆王言沙門鳩摩羅迦葉大為不可不應作是說所以者何沙門鳩摩羅迦葉精進比我如盲迦葉若知我知我親親妙行精進精勤不懈無有嫉妬亦不慳貪舒手庶幾開意放捨給諸孤窮常樂施與不著

財物彼因緣此身壞命終必昇善處生天上
者迦葉我今便應即行布施修諸福業奉齋
守戒已以刀自殺或服毒藥或投坑井或自
經死沙門鳩摩羅迦葉精進不應比我如彼
盲人尊者鳩摩羅迦葉告曰婢肆復聽我說
喻慧者聞喻則解其義婢肆猶如梵志有年

少婦方始懷妊又前婦者已有一男而彼梵
志於其中間忽便命終命終之後彼前婦兒
語小母曰小母當知今此家中所有財物盡
應屬我不復見應可與分者小母報曰我今
懷妊若生男者汝應與分若生女者物盡屬
汝彼前婦兒復更再三語小母曰今此家中
所有財物盡應屬我不復見應可與分者小
母亦復再三報云我今懷妊爲生男者汝應
與分若生女者物盡屬汝於是小母愚癡不
達不善曉解無有智慧欲求存命而反自害
即入室中便取利刀自洎其腹看爲是男爲
是女耶彼愚癡不達不善曉解無有智慧欲

求存命而反自害及腹中子當知婢肆亦復
如是愚癡不達不善曉解無有智慧欲求存
命反作是念迦葉若知我知我親親妙行精
進精勤不懈無有嫉妒亦不慳貪舒手庶幾
開意放捨給諸孤窮常樂施與不著財物彼
因緣此身壞命終必昇善處生天上者我今

夙六

八

便應即行布施修諸福業奉齋守戒已以刀
自殺或服毒藥或投坑井或自經死沙門鳩
摩羅迦葉精進不應比我如彼盲人婢肆若
精進人長壽者便得大福若得大福者便得
生天長壽婢肆汝應如是觀於後世莫如肉
眼之所見也婢肆若有沙門梵志斷絕離欲
趣向離欲斷絕離恚趣向離恚斷絕離癡趣
向離癡彼以清淨天眼出過於人見此衆生
死時生時好色惡色或妙不妙往來善處及
不善處隨此衆生之所作業見其如真婢肆
王復言沙門鳩摩羅迦葉雖作是說但我如

羅迦葉告曰蟬肆復更有惡而過此耶蟬肆答曰如是迦葉復更有惡迦葉我有親親疾病困篤我往彼所慰勞看彼彼亦慰勞視我彼若命終我復詣彼慰勞看彼彼亦不復慰勞視我我亦不復慰勞看彼迦葉以此事故我作是念無衆生生尊者鳩摩羅迦葉告曰

蟬肆復聽我說喻慧者聞喻則解其義蟬肆猶如有人善能吹螺若彼方土未曾聞螺聲便往彼方於夜闇中昇高山上盡力吹螺彼衆多人未曾聞螺聲聞已便念此爲何聲如是極妙爲甚奇特實可愛樂好可觀聽令心歡悅時彼衆人便共往詣善吹螺人所到已

風六

九

問曰此是何聲如是極妙爲甚奇特實可愛樂好可觀聽令心歡悅善吹螺人以螺投地語衆人曰諸君當知即此螺聲於是衆人以足蹴螺而作是語螺可出聲螺可出聲寂無音響善吹螺人便作是念今此衆人愚癡不達不善曉解無有智慧所以者何乃從無知

之物欲求音聲是時善吹螺人還取彼螺以水淨洗便舉向口盡力吹之時彼衆人聞已作是念螺甚奇妙所以者何謂因手因水因口風吹便生好聲周滿四方如是蟬肆若人活命存者則能言語共相慰勞若其命終便不能言共相慰勞蟬肆汝應如是觀衆生生

莫如肉眼之所見也蟬肆若有沙門梵志斷絕離欲趣向離欲斷絕離恚斷絕離癡趣向離癡彼以清淨天眼出過於人見此衆生死時生時好色惡色或妙不妙往來善處及不善處隨此衆生之所作業見其如真蟬肆王復言沙門鳩摩羅迦葉雖作是說

但我如是見如是說無衆生生尊者鳩摩羅迦葉告曰蟬肆復更有惡而過此耶蟬肆答曰如是迦葉復更有惡迦葉我有有司收捕罪人送詣我所到已白曰天王此人有罪願王治之我語彼曰取此罪人可生稱之生稱之已還下著地以繩絞殺殺以復稱我欲得

知此人爲何時極輕柔軟色悅澤好爲死時耶爲活時耶彼受我教取此罪人活攝之已還下著地以繩絞殺殺已復稱彼罪人活時極輕柔軟色悅澤好彼人死已皮轉厚重堅不柔軟色不悅澤迦葉因此事故我作是念無衆生生尊者鳩摩羅迦葉告曰蟬肆復聽

或說喻慧者聞喻則解其義蟬肆猶如鐵丸或鐵犁鎌竟日火燒彼當爾時極輕柔軟色悅澤好若火滅已漸漸就冷漸凝厚重堅不柔軟色不悅澤如是蟬肆若人活時身體極輕柔軟色悅澤好若彼死已便轉厚重堅不柔軟色不悅澤蟬肆汝應如是觀衆生生莫

風六

十

如肉眼之所見也蟬肆若有沙門梵志斷絕離欲趣向離欲斷絕離恚趣向離恚斷絕離癡趣向離癡彼以清淨天眼出過於人見衆生死時生時好色惡色或妙不妙往來善處及不善處隨此衆生之所作業見其如真蟬肆王復言沙門鳩摩羅迦葉雖作是說但我

如是見如是說無衆生生尊者鳩摩羅迦葉告曰蟬肆復更有惡而過此耶蟬肆答曰如是迦葉復更有惡迦葉我有有司收捕罪人送詣我所到已白曰天王此人有罪願王治之我語彼曰取此罪人倒著鐵金中或著銅金中密蓋其口於下然火下然火已觀視衆

生入時出時往來周旋彼受我教取此罪人倒著鐵金中或著銅金中密蓋其口於下然火下然火已觀視衆生入時出時往來周旋迦葉我作如是方便不見衆生生迦葉因此事故我作是念無衆生生尊者鳩摩羅迦葉告曰蟬肆我今問汝隨所解答於意云何若

汝食好極美上饌晝寢於牀汝頗曾憶於夢中見園觀浴池林木華果清泉長流極意遊戲周旋往來耶蟬肆答曰曾億有之迦葉復問若汝食好極美上饌晝寢於牀爾時頗有直侍人不答曰有也迦葉復問若汝食好極美上饌晝寢於牀當爾之時左右直侍頗有

見汝出入周旋往來時耶蟬肆答曰正使異人亦不能見況復左右直侍人耶蟬肆汝應如是觀衆生生莫如肉眼之所見也蟬肆若有沙門梵志斷絕離欲趣向離欲斷絕離恚趣向離恚斷絕離癡趣向離癡彼以清淨天眼出過於人見此衆生死時生時好色惡色

或妙不妙往來善處及不善處隨此衆生之所作業見其如真蟬肆王復言沙門鳩摩羅迦葉雖作是說但我如是見如是說無衆生尊者鳩摩羅迦葉告曰蟬肆復更有惡而過此耶蟬肆答曰如是迦葉復更有惡迦葉我有有司收捕罪人送詣我所到已白曰天王此人有罪願王治之我語彼曰取此罪人剥皮剔肉截筋破骨乃至於髓求衆生生彼受我教取此罪人剥皮剔肉截筋破骨乃至於髓求衆生生迦葉我作如是方便求衆生生竟不能得見衆生生迦葉因此事故我作是念無衆生尊者鳩摩羅迦葉告曰蟬肆

復聽我說喻慧者聞喻則解其義蟬肆猶如事火編髮梵志居近道邊去彼不遠有商人宿時商人過夜平旦忽忽發去志一小兒於是事火編梵髮志早起案行商人宿處見一小兒獨住失主見已念曰今此小兒無所依怙我不養者必死無疑便抱持去還至李叟而養長之此兒轉大諸根成就爾時事火編髮梵志彼於人間有小事緣於是事火編髮梵志勑年少曰我有小事暫出人間汝當種火慎莫令滅若火滅者汝可取此火鑽求之爾時事火編髮梵志善教勑已即至人間於後年少便出遊戲火遂滅盡彼還求火即取火鑽以用打地而作是語火出火出火竟不出復於石上加力打之火出火出火亦不出火既不出便破火鑽十片百片棄去坐地愁惱而言不能得火當如之何是時事火編髮梵志彼於人間所作已訖還歸本處到已問曰年少汝不遊戲隨視種火不令滅耶年少

五六

三

白曰尊者我出遊戲火後遂滅我還求火即取火鑽以用打地而作是語火出火出火出火竟不出復於石上加力打之火出火出火亦不出火既不出便破火鑽十片百片棄去坐地尊者我如是求不能得火當如之何爾時事火編髮梵志便作是念今此年少甚癡不達

不善曉解無有智慧所以者何從無知火鑽作如是意求索火耶於是事火編髮梵志取燥火鑽火母著地而以鑽之即便火出轉轉熾盛語年少曰年少求火法應如是不應如汝愚癡不達無有智慧從無知火鑽作如是意求索於火當知鞞肆亦復如是愚癡不達

不善處隨此衆生之所作業見其如真鞞肆王復言沙門鳩摩羅迦葉雖作是說但我此見欲取恚取怖取癡取終不能捨所以者何若有他國異人聞之便作是說鞞肆王有見長夜受持彼爲沙門鳩摩羅迦葉之所降伏所治斷捨迦葉是故我此見欲取恚取怖取

夙六

十三

癡取終不能捨尊者鳩摩羅迦葉告白鞞肆復聽我說喻慧者聞喻則解其義鞞肆猶如朋友二人捨家治生彼行道時初見有麻甚多無主一人見已便語伴曰汝當知之今此有麻甚多無主我欲與汝共取自重而擔還歸可得資用便取重擔彼於道路復見多有劫貝紗縷及劫貝衣甚多無主復見多銀亦求衆生生鞞肆汝應如是觀衆生生莫如肉眼之所見也鞞肆若有沙門梵志斷絕離欲趣向離欲斷絕離恚趣向離恚斷絕離癡趣向離癡彼以清淨天眼出過於人見此衆生死時生時好色惡色或妙不妙往來善處及

得功用彼擔麻者語擔銀人我此麻擔已好

裝治縛束已堅從遠擔來我不能捨汝且自知勿憂我也於是擔銀人強奪麻擔撲著於地而挽壞之彼擔麻者語擔銀人汝已如是挽壞我擔我此麻擔縛束已堅所來處遠我要自欲擔此麻歸終不捨之汝且自知勿憂我也彼擔銀人即捨銀擔便自取金重擔而

還擔金人歸父母遙見擔金來歸見已嘆曰善來賢子來快賢子汝因是金快得生活供養父母供給妻子奴婢使人復可布施沙門梵志作福昇上善果善報生天長壽彼擔麻者還歸其家父母遙見擔麻來歸見已罵曰汝罪人來無德人來汝因此麻不得生活供養父母供給妻子奴婢使人又亦不得布施沙門及諸梵志作福昇上善果善報生天壽長當知婢肆亦復如是若汝此見欲取恚取怖取癡取終不捨者汝便當受無量之惡亦爲衆人之所憎惡婢肆王復言沙門鳩摩羅迦葉雖作是說但我此見欲取恚取怖取癡

取終不能捨所以者何若有他國異人聞之便作是說婢肆王有見長夜受持彼爲沙門鳩摩羅迦葉之所降伏所治斷捨迦葉是故我此見欲取恚取怖取癡取終不能捨尊者鳩摩羅迦葉告曰婢肆復聽我說喻慧者聞喻則解其義婢肆猶如商人與其大衆有千

夙六

十四

乘車行飢儉道此大衆中而有兩主彼作是念我等何因得脫此難復作是念我此大衆應分爲兩部部各五百彼商人衆便分爲兩部部各五百於是一商人主將五百乘至飢儉道彼商人主常在前導見有一人從傍道來衣服盡濕身黑頭黃兩眼極赤著旛華鬘而乘驥車泥著兩轄彼商人主見便問曰飢儉道中有天雨不彼有新水樵及草耶彼人答曰飢儉道中天適大兩極有新水乃饒樵草諸賢汝等可捨故水樵草莫令乘之汝等不久當得新水及好樵草彼商人主聞已即還詣諸商人而告之曰我在前行見有一人

從傍道來衣服盡濕身黑頭黃兩眼極赤著
衛華鬘而乘驢車泥著兩轄我問彼曰飢儉
道中有天雨不彼有新水樵及草耶彼答我
曰飢儉道中天適大雨極有新水乃饒樵草
諸賢汝等可捨故水樵草莫令乘之汝等不
父當得新水及好樵草諸商人我等可捨故

水樵草如是不父當得新水樵草莫令乘之
彼商人等即便棄捨故水樵草一日行道不
得新水樵草二日三日乃至七日行道猶故
不得新水樵草過七日已爲食人鬼之所殺
害第二商人主便作是念前商人主已過嶮
難我等今當以何方便復得脫難第二商人

夙六

十五

主作是念已與五百車即便俱進至飢儉道
第二商人主自在前導見有一人從傍道來
衣服盡濕身黑頭黃兩眼極赤著衛華鬘而
乘驢車泥著兩轄第二商人主見便問曰飢
儉道中有天雨不彼有新水樵及草耶彼人
答曰飢儉道中天降大雨極有新水乃饒樵

我曰飢儉道中天適大雨極有新水乃饒樵
草諸賢汝等可捨故水樵草莫令乘之汝等不
父當得新水及好樵草諸商人我等未可
捨故水樵草若得新水樵草然後當棄彼不
捨故水樵草一日行道不得新水樵草二日
三日乃至七日行道猶故不得新水樵草第

二商人主在前行時見前第一商人主及諸
商人爲食人鬼之所殺害第二商人主見已
語諸商人汝等看前商人主愚癡不達不善
曉解無有智慧旣自殺身復殺諸人汝等商
人若欲取前諸商人物自恣取之當知蟬肆
亦復如是若汝此見欲取恚取怖取疑取終

不捨者汝便當受無量之惡亦爲衆人之所憎惡猶前第一商人之主及諸商人蟬肆王

復言沙門鳩摩羅迦葉雖作是說但我此見欲取恚取怖取癡取終不能捨所以者何若有他國異人聞之便作是說蟬肆王有見長夜受持彼爲沙門鳩摩羅迦葉之所降伏所

治斷捨迦葉是故我此見欲取恚取怖取癡取終不能捨尊者鳩摩羅迦葉告曰蟬肆復聽我說喻慧者聞喻則解其義蟬肆猶如二人數數賭毬第一戲者並竊食之食一二三或至衆多第二戲者便作是念共此人戲數數欺我而偷毬食或一二三或至衆多見如

夙六

十六

是已語彼伴曰我今欲息後當更戲於是第二戲者離於彼處便以毒藥用塗其毬塗已即還語其伴曰可來共戲即來共戲第一戲者復竊毬食或一二三或至衆多既食毬已即便戴眼吐沫欲死於是第二戲者向第一戲人即說頌曰

此毬毒藥塗 汝貪食不覺 坐爲毬欺我後必致苦患

當知蟬肆亦復如是若汝此見欲取恚取怖取癡取終不能捨者汝便當受無量之惡亦爲衆人之所憎惡猶如戲人爲毬欺他還自得殃蟬肆王復言沙門鳩摩羅迦葉雖作是說

但我此見欲取恚取怖取癡取終不能捨所以者何若有他國異人聞之便作是說蟬肆王有見長夜受持彼爲沙門鳩摩羅迦葉之所降伏所治斷捨迦葉是故我此見欲取恚取怖取癡取終不能捨尊者鳩摩羅迦葉告曰蟬肆復聽我說喻慧者聞喻則解其義蟬

肆猶養猪人彼行路時見有煩糞甚多無主便作是念此糞可以養飽多猪我寧可取自重而去即取負去彼於中道遇天大雨糞釋流漫澆汙其身故負持去終不棄捨彼則自受無量之惡亦爲衆人之所憎惡當知蟬肆亦復如是若汝此見欲取恚取怖取癡取終

夙七

七

不捨者汝便當受無量之惡亦爲衆人之所憎惡猶養猪人蟬肆王復言沙門鳩摩羅迦葉雖作是說但我此見欲取恚取怖取癡取終不能捨所以者何若有他國異人聞之便作是說蟬肆王有見長夜受持彼爲沙門鳩摩羅迦葉之所降伏所治斷捨迦葉退故我

轉糞中塗身至眼已便住至虎所語曰汝欲鬪者便可共鬪若不爾者借我道過虎見猪已復作是念我常不食雜小蟲者以惜牙故況復當近此臭猪耶虎念是已便語猪曰我借汝道不與汝鬪猪得過已則還向虎而說頌曰

此見欲取恚取怖取癡取終不能捨尊者鳩摩羅迦葉告曰蟬肆復聽我說最後譬喻若汝知者善若不知者我不復說法蟬肆猶如大猪爲五百猪王行嶮難道彼於中道遇見一虎猪見虎已便作是念若與鬪者虎必殺我若畏走者然諸親族便輕慢我不知今當

虎汝有四足 我亦有四足 汝來共我鬪何意怖而走時虎聞已亦復說頌而答猪曰汝毛豎森森 諸畜中下極 猪汝可速去糞臭不堪時猪自誇復說頌曰

以何方便得脫此難作是念已而語虎曰若欲鬪者便可共鬪若不爾者借我道過彼虎聞已便語猪曰聽汝共鬪不借汝道猪復語曰虎汝小住待我被著祖父時鎧還當共戰彼虎聞已而作是念彼非我敵況祖父鎧耶便語猪曰隨汝所欲猪即還至本廁處所宛

摩竭鷲二國 聞我共汝鬪 汝來共我戰
何以怖而走
舉身毛皆汙 猪汝臭熏我 汝鬪欲求勝
我今與汝勝

尊者鳩摩羅迦葉告曰蟬肆我亦如是若汝

此見欲取恚取怖取癒取終不捨者汝便自受無量之惡亦爲衆人之所憎惡猶如彼虎與猪勝也蟬肆王聞已白曰尊者初說日月喻時我聞即解歡喜奉受然我欲從尊者鳩摩羅迦葉求上復上妙智所說是故我向問復問耳我今日歸尊者鳩摩羅迦葉尊者鳩

摩羅迦葉告曰蟬肆汝莫歸我我所歸佛汝亦應歸蟬肆王白曰尊者我今自歸於佛法及比丘衆願尊者鳩摩羅迦葉爲佛受我爲優婆塞從今日始終身自歸乃至命盡尊者鳩摩羅迦葉我從今日始行布施修福尊者鳩摩羅迦葉問曰蟬肆汝欲行施修福施與幾人能至幾時蟬肆王白曰布施百人或至千人一日二日或至七日者諸方沙門梵志盡聞蟬肆王有見長夜受持彼爲沙門鳩摩羅迦葉之所降伏所治斷捨諸方聞已盡當遠來七日之中不及王施若不得食王信施者王便無福不得長夜受其安樂蟬肆王復問曰尊者我當云何尊者鳩摩羅迦葉答曰蟬肆汝當行施修福常供長齋若蟬肆王行施修福常供長齋者諸方沙門梵志聞蟬肆王有見長夜受持彼爲沙門鳩摩羅迦葉之所降伏所治斷捨諸方聞已盡當遠來彼之所降伏所治斷捨諸方聞已盡當遠來七

日之中不及王施若不得食王信施者三便無福不得長夜受其安樂蟬肆王猶如種子人碎不壞不剖不折非風非日非水中傷秋時好藏若彼居士深耕良田極治地已隨時下種然兩澤不適者於蟬肆意云何彼種可得生增長不答曰不也算者鳩摩羅迦葉告五六九

曰蟬肆汝亦如是若行施修福布施百人或至千人一日二日或至七日者諸方沙門梵志盡聞蟬肆王有見長夜受持彼爲沙門鳩摩羅迦葉之所降伏所治斷捨諸方聞已盡當遠來七日之中不及王施若不得食王信施者王便無福不得長夜受其安樂蟬肆王復問曰尊者我當云何尊者鳩摩羅迦葉答曰蟬肆汝當行施修福常供長齋若蟬肆王行施修福常供長齋者諸方沙門梵志聞蟬肆王有見長夜受持彼爲沙門鳩摩羅迦葉之所降伏所治斷捨諸方聞已盡當遠來彼皆可得及王信施者王便有福而得長夜受其

安樂婢肆猶如種子不碎不壞不剖不折非風非日非水中傷秋時好藏若彼居士深耕良田極治地已隨時下種兩澤適者於婢肆意云何彼種可得生增長不答曰生也尊者鳩摩羅迦葉告曰婢肆汝亦如是若當行施修福常供長齋者諸方沙門梵志聞婢肆王

有見長夜受持彼爲沙門鳩摩羅迦葉之所降伏所治斷捨諸方聞已盡當遠來彼皆可得及王信施王便有福而得長夜受其安樂於是婢肆王白曰尊者我從今始行施修福常供長齋

爾時尊者鳩摩羅迦葉爲婢肆王及斯和提

梵志居士說法勸發渴仰成就歡喜無量方便爲彼說法勸發渴仰成就歡喜已嘿然而住於是婢肆王及斯和提梵志居士尊者鳩摩羅迦葉爲其說法勸發渴仰成就歡喜已即從座起稽首尊者鳩摩羅迦葉足遶三匝而去彼婢肆王雖行施修福然極惡鹿弊豆

羹菜茹唯一片薑又復施以鹿弊布衣時監厨者名優多羅彼行施修福時爲婢肆王囑語上座呢願此施若有福報者莫令婢肆王今世後世受婢肆王聞優多羅行施修福時常爲囑上座呢願此施若有福報者莫令婢肆王今世後世受聞已即呼問曰優多羅汝

二十六

實行施修福時爲我囑上座呢願此施若有福報者莫令婢肆王今世後世受爲如是耶優多羅白曰實尔天王所以者何天王雖行施修福然極惡鹿弊豆羹菜茹唯一片薑天王此食尚不可以手觸況復自食耶天王施以鹿弊布衣天王此衣尚不以脚躡況復自著耶我敬天王不重所施是故天王我不願此弊布施報令王受也婢肆王聞已告曰優多羅汝從今始如我所食當以飯食如我著衣當以布施於是優多羅從是已後如王所食便以飯食如王所衣便以布施尔時優多羅因爲婢肆王監行布施故身壞命終生四

王天中彼蟬肆王以不至心行布施故身壞命終生叢樹林宮殿中尊者橋燃鉢帝數往遊行彼叢樹林空宮殿中尊者橋燃鉢帝遇見蟬肆王即便問曰汝是誰耶蟬肆王答曰尊者橋燃鉢帝頗聞閻浮洲中有斯和提王名蟬肆耶尊者橋燃鉢帝答曰我聞閻浮洲

中斯和提有王名蟬肆蟬肆王白曰尊者橋燃鉢帝我即是也本名蟬肆王尊者橋燃鉢帝復問曰蟬肆王如是見如是說無有後世無衆生生彼何由生此依四王天小叢樹林實有是見然爲尊者沙門鳩摩羅迦葉之所

宮殿中尊者鳩摩羅迦葉所說如是蟬肆王斯和提梵志居士及諸比丘聞尊者鳩摩羅迦葉所說歡喜奉行
蟬肆王經第七竟

中阿含經卷第十六

王相應品第一竟 第二小土城 誦

鳳六 陶

蟬肆上布迷反匿尼力閻廁上音清亦廟也刮均八反削
下子升反惡一故懷姪下而禁反蹠子六反踏蹠稱之
七紅反絞古巧反縛也一音蹙稱之
下子升反燥乾先老反犧鑊助威反寢七鋪反忽忽
反輶也鎧言輶也車輪也釋名衡戶庚反草為犧也音惡也以兩轄
甲亥反宛轉入轄中也趨餅數所角火燭火燭也
上紓阮森森字篆木長兒取其意也